

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Ekonomi eta Lurralde Garapena Sustatzeko Saila**

Bizkaiko Foru Aldundiaren 51/2019 FORU DEKRETUA, maiatzaren 14koa. Honen bidez, txeko teknologikoak 2019 programa arautzen duten oinarriak eta deialdia onartzen dira.

Legegintzaldi honetan, Ekonomi eta Lurralde Garapena Sustatzeko Sail berri bat daukagu, Bizkaiak eta Bizkaiko enpresa- eta ekonomia-sareak dituzten interesen defentsarekin konprometituta dagoena. Horretarako, Bizkaiak industrian eta industriaren lehentasunezko sektoreetan zentratuta dituen indarren aldeko apustu trinko bat egitea proposatzen du, enpresa berritzaileagoak, internazionalagoak eta modernoagoak, kalitatezko enpleguaren sortzaileak lortzeko.

Dekretu hau eta lortu nahi dituen helburuak Ekonomia eta Lurralde Garapena Sustatzeko Sailak bere zeregina lortzeko jarduera-multzoaren zati dira. Izan ere, programak eta zerbitzuen garapenean sustatzen ditu jarduera horiek, aberastasuna sortzen laguntzeko, Bizkaiko enpresen artean lehiakortasun iraunkorra sustatuta.

Zehatz esateko, txeko teknologikoen programa bi modalitatetan diseinatuta dago:

- a) *Txekeo teknologiko arruntak*: hauen helburua da ekoizpen-arloren batean edo produktu/zerbitzuekin dagoen arazo jakin bati erantzuna ematea, agente teknologiko batek aukerako konponbide zehatza proposatuta. Bidea erraztu nahi diete berrikuntza-jarduerak egiterakoan oztopoak aurkitu ohi dituzten enpresei lehen urratsak eman ditzaten.
- b) *4.0 txekoak*: txeko hauek 4.0 industriadun urratsak eman nahi baina bidea zehaztu beharra duten enpresei zuzenduta daude. txeko hauek, agente teknologikoak, enpresaren egoera aztertutik, lehen urratsa proposatuko dio 4.0 industriara bidean.

Programa hau Euskadiko Feder 2014-2020 Programa Eragilearen bidez ere finantzatu da, Feder Landa Garapenerako Europako Funtsaren arloan. Une oro begiratuko da europar politikak bete daitezkeen; batez ere, honako alderdi hauek: ingurumena, aukera-berdintasuna, kontratazio publikoa eta europar kofinantziazioaren publikitatea.

Dekretu honetan, genero-ikuspegia jasotzen da, bai hura prestatzeko orduan bai haren aplikazioan, Emakumeen eta Gizonen Berdintasunerako ekainaren 20ko 4/2018 Foru Arauan (aurrerantzean 4/2018 Foru Arauan) ezarritakoarekin bat. Gainera, kontuan hartu da 4/2018 Foru Arauaren 25. artikuluan eta Bizkaiko Foru Aldundiaren azaroaren 19ko 141/2013 Foru Dekretuan xedatutakoa; izan ere, haren bidez, generoaren eraginaren aurretiazko ebaluazioa egiteko jarraibideak ezartzen dira; ebaluazio hori Emakumeen eta Gizonen Berdintasunerako otsailaren 18ko 4/2005 Legean (aurrerantzean 4/2005 Legean) dago aurrez ikusita. Ildo horretan, tramitazioan, foru dekretu horren 2. artikuluan aipatzen den txostena sartu da, hau da, generoaren eraginaren aurretiazko ebaluazioari buruzkoa.

Foru-dekretu honek bete egiten ditu erregulazio onaren printzipioak, zeinak Administrazio Publikoaren Administrazio Prozedura Erkidearen urriaren 1eko 39/2015 Legean (aurrerantzean, 39/2005 Legean) aurreikusten diren eta Bizkaiko Foru Aldundiaren urtarrilaren 17ko 2/2017 Foru Dekretuaren 3. artikuluan jasotzen diren (dekretu horren bidez, Bizkaiko Foru Aldundian xedapen orokorrak egiteko prozedura arautzen da).

Euskal Herriaren Autonomia Estatutuaren 9. artikulua hau ezartzen du: «Bizi- eta lan-baldintzen hobekuntzaren aldeko politika bultzatuko dute bereziki» eta «Enplegua gehitzea eta ekonomiaren oreka sustatzeko neurri lagungarriak hartuko dituzte».

Beraz, eskumenari dagokionez, kontuan hartu behar dira, batetik, Autonomia-Elkarte Osorako Erakundearen eta Bertako Kondaira-Lurraldeetako Foruzko Ihardutze-Erakun-



deen arteko Harremani buruzko 1983ko azaroaren 25eko 27/1983 Legea; eta, bestetik, Bizkaiko Kondaira Lurraldeko Foru Erakundeen Hautapen, Antolaketa, Erregimen eta Funtzionamenduari buruzko otsailaren 13ko 3/1987 Foru Araua (aurrerantzean 3/1987 Foru Araua), zeinak ezartzen baitu Foru Aldundiari dagozkiola araubide erkideko diputazioen eskumeneko gaiak. Ildo horretan, Toki-araubideren oinarriak arautzen dituen 1985eko apirilaren 2ko 7/1985 Legearen 36.d) artikulua ezartzen du probintziako diputazioen berezko eskumena dela «probintziako lurraldearen garapen ekonomiko eta soziala sustatzeko eta plangintza egiteko lankidetzaren ematea, arlo horretan beste herri-administrazioak dituzten eskumenekin ba etorritz». Aurreko hori kontuan hartuta, ondorioztatu behar da Bizkaiko Foru Aldundiak eskumena duela dekretu honen xedearen gainean.

Araugintza-ekimenari dagokionez, Ekonomi eta Lurralde Garapena Sustatzeko foru diputatuari dagokio, 1987ko otsailaren 13ko 3/1987 Foru Arauaren 39.k) artikuluan eta sail horren egitura organikoari buruzko erregelamendua onesten duen Bizkaiko Foru Aldundiaren 2016ko otsailaren 9ko 16/2016 Foru Dekretuaren 1. Artikuluan xedatutakoaren arabera. Izan ere, sail horri jardun-eremu hauek dagozkie, besteak beste: «Enpresen sustapenarekin zerikusia duten jarduera guztiak bultzatu eta garatzea; enpresa berriak sortzea eta kultura ekintzailea sustatzea; enpresak dibertsifikatzea eta sortzen eta hazten ari diren sektoreak sendotzea; lehiakortasuna hobetzea eta industria sustatzea —batez ere, Bizkiko lehentasunezko industria-sektoreak—; jakintzaren arloko zerbitzu aurreratuak indartzea; berrikuntza; zientziaren eta teknologiaren arloa bultzatzea; enpresen arteko lankidetzaren sustatzea, eta eskualdeak eta lurraldea garatzea.

Edonola ere, Gobernu Kontseiluari dagokio aztertzea bidali den testua onartzea, 3/1987 Foru Arauaren 17. artikuluan xedatutakoaren arabera.

Adierazitakoa dela bide, Ekonomia eta Lurralde Garapena Sustatzeko Saileko foru diputatuak proposatu eta Foru Aldundi honen Gobernu Kontseiluak 2019ko maiatzaren 14ko batzaraldian eztabaidatu eta onetsi ondoren, hauxe

XEDATU DA:

I. KAPITULUA

OINARRIZKO EZAUGARRIAK

1. artikulua. — Dekretuaren xedea

Foru dekretu honen xedea da txeko teknologikoak programa 2019 jasotako diru-laguntzak arautzen dituzten oinarriak eta lehen deialdia onartzea.

2. artikulua. — Helburua

Programa honetan aurreikusten diren laguntzen bitartez, enpresek berrikuntzaren arloan lehen urratsak egin ditzaten sustatu nahi da, kanpoko agente teknologiko baten laguntzarekin. Konponbidea eman nahi zaio arazo jakin bati, produktu edo produkzio-prozesu jakin bati, edo, gutxienez, horren konponbidea planifikatu, berrikuntza-proiektu edo 4.0 Industriadun ibilbide bat bitartez.

Xede horrekin erakunde onuradunei diru-laguntzak eskaintzen dizkie.

3. artikulua. — Erakunde onuradunak

Dekretu honetan araututako diru-laguntzak eskuratu ahal izango dituzte berezko nor-tasan juridikoa duten enpresek, jarduera nagusia hauetariko bat badute: industria, erai-kuntza, garraioa, industriari lotutako zerbitzuak, turismoa eta handizkako merkataritza (I. eranskinean ageri dira 2009ko Ekonomi Jardueren Sailkapen Nazionalako (EJSN) epigrafeetatik diru-laguntza jaso dezaketenak).

Erakunde onuradunak honako baldintza hauek bete beharko dituzte:

- a) Sozietatearen helbidea eta zerga-helbidea Bizkaiko Lurralde Historikoan izatea.
- b) Gutxienez ekoizpen zentro bat edo balio erantsi handiko zentro bat Bizkaiko Lurralde Historikoan izatea.



- c) 5 eta 100 pertsona arteko plantilla edukitzea lanaldi osoan, baina betiere urteko kopuru baliokideetan.
Plantillakotzat joko dira enpresaren jarduerari atxikita dauden baina euren izaeragatik Gizarte Segurantzaren Araubide Orokorrean alta emanda egon ezin diren langile autonomoak.
Ez dira plantillakotzat joko atzerriko instalazioetan lan egiteko kontratatu diren langileak.
Seme-alabak edo mendetasuna duten pertsonak zaintzeagatik lansaioa murrizten den kasuetan, erakunde eskatzailearen beraren eskariz, murrizketa kontuan hartu gabe konputatu ahal izango dira lansaio horiek.
- d) Honako bi muga hauetako bat, gutxienez, ez gainditzea, aurkeztutako azken Sozietate Zergako aitopenaren arabera:
- 1) Urteko negozio kopurua: 20.000.000 euro.
 - 2) Balantze orokorra: 20.000.000 euro.
- a), b), c) eta e) baldintzak, pertsonen gutxieneko kopuruari buruzkoak, egiaztatu behar dira eskabidea aurkezten den unean, eta haiei eutsi behar zaie, harik eta ebazpena eman eta ordainketa egin arte. Gehieneko pertsona kopuruari buruzko c) baldintza eta d) baldintza, aldiz, eskabidea aurkezten denean egiaztatu behar dira.
- e) Zerga betebeharrak, Gizarte Segurantzarekikoak eta diru-laguntzak itzultzearen ondoriozkoak eguneratuta edukitzea.
- f) Berdintasunerako eskubidea eta sexu-diskriminaziorik eza urratzeagatik zehapen irmorik ez izatea administrazio-bidean, edo lan-arloan edo zigor-arloan, eta ez izatea berdintasun-printzipioaren kontrakoak, enpresen helburuetan, onartze-sisteman, funtzionamenduan, ibilbidean edo jardueran sexua dela-eta edo beste edozein egoera zein inguruabar dela-eta diskriminaziorik egiten ez delako.
- g) Ez dagoela Diru-laguntzei buruzko Foru Administrazioak emaniko diru-laguntzen araubide juridiko orokorra maiatzaren 31 5/2005ko Foru Arauaren (aurrerantzean 5/2005 Foru Araua) 12. artikuluan azaltzen diren inguruabarretako batean ere.
- e), f) eta g) baldintzak automatikoki bete beharko dira, eta kasuan kasuko inguruabarrak gertatzen diren bitartean iraungo dute, 5/2005 Foru Arauaren 12. artikuluan ezarritakoaren arabera.

Kasu guztietan salbuetsita geratuko dira foru sozietate publikoak edo Eusko Jaurlaritzaren menpekoak, ondasun-erkidegoak eta sozietate zibilak.

Diru-laguntzaren bat jasotzen duten erakunde onuradunek 5/2005 Foru Arauaren 13. eta 41. artikuluetan xedatutakoa bete beharko dute. Bereziki, jasotako fondoak zertan erabili diren frogatzen duten agiri guztiak gorde beharko dituzte, agiri elektronikoak barne, finantza-kontrolaren eginkizunak dituzten organoen egiaztapen-jardueren eta kontrol-jardueren xede izan baitaitezke, eta haiei lankidetzak eskaini beharko diete.

4/2005 Legean xedatutakoaren arabera, erakunde onuradunek lege horretan ezarritako printzipio orokorrak errespetatu beharko dituzte, beren lanaren barruko estatistikak genero ikuspegiaren arabera egokitu beharko dituzte, ez dute hizkera sexistarik erabiltzeko, eta emakumeen eta gizonen ordezkariak orekatu bermatu beharko dute eratzten diren batzordeetan eta lan taldeetan.

4. artikulua. — Diru-laguntza jaso dezakeen egitatea

Diruz laguntzeko egitatzat jotzen dira entitate eskatzailearen lehiakortasuna sustatzeko txeko teknologikoak, zein bi motatakoak izan baitaitezke:

- a) Txeko teknologiko estandarra, zeinetan agente teknologiko batek aholkularitza-lana egingo baitu enpresak bere produktu edo ekoizpen-prozesuetakoren baten antzemandako arazo jakin bati buruz, eta konponbide teknologiko aukerakoena proposatuko baitu.



Ezaugarri hauek eduki beharko ditu:

- 1) Arazoa-konponbidea logikari erantzutea.
 - 2) Arazo zehatz bati buruzkoa izatea, eta ez zerbait orokorraz.
 - 3) Ekoizpen-prozesu edo produktu/zerbitzu bat ukitu behar du.
 - 4) Eragileak bi aukeraren edo gehiagoren arteko konponbiderik egokiena proposatu behar du.
 - 5) Konponbidearen ezarpena ez da sartzen txekoan, berehalakoa eta eraginik gutxieneko ez bada izan ezik.
 - 6) Konponbideak osagai teknologiko bat eduki behar du.
- b) 4.0 txeko teknologikoa, zeinetan agente teknologikoaren aholkularitzaren helburua baita entitate eskatzailearen lehen urratsak proposatzea 4.0 Industriara bidean.

Ezaugarri hauek eduki beharko ditu:

- 1) Enpresaren egungo egoeraren azterketa egin beharko du 4.0 Industrian, egungo egoera Industria 4.0 kontzeptuaren barruko egoera ezin hobeagoa litzatekeenarekin alderaketa eginez.
- 2) Enpresarentzat, 4.0 Industriako aurrerakuntzako ekintza zehatzen proposamen bat jaso behar du.
- 3) Erakunde eskatzailearen Industria 4.0rako lehen urrats legez egokientzat jotzen duen ekintza zehatza garatzea.

«Txeko teknologikoak egiteko gida praktikoa» eskuragarri dago Ekonomia eta Lurralde Garapena Sustatzeko Sailaren web orrian (<http://web.bizkaia.eus/es/desarrollo-economico-y-territorial>), eta informazio zehatzagoa eskaintzen du txeko teknologien nondik norakoen inguruan.

Laguntzak emateko, hauek jotzen dira teknologi eragiletzat:

- a) Beren jardueragatik EJSNeko honako sailkapenarikoren batean sar litezkeen ingeniari-txosten enpresak eta erakundeak: 7112, 7120, 7490.
- b) Beren jardueragatik EJSNeko 7410 sailkapenean sartzen diren diseinu industrialeko enpresak eta erakundeak.
- c) Lanbide-heziketako ikastetxeak.
- d) Zentro teknologikoak.

Agente teknologikoak nahikoa ezagutza eta esperientzia izan behar du enpresari txeko teknologiko bat egiteko, ondo egingo duela nahikoa bermerekin.

Azterketa horien ondorioak emaitzen txosten batean jaso behar dira. Ekonomi eta Lurralde Garapena Sustatzeko Sailaren web-orrian egongo da txosten horren eredu bat (<http://web.bizkaia.eus/eu/ekonomi-eta-lurralde-garapena>), eta eduki hauek izan beharko ditu:

- a) *Arazaoren analisia*: enpresaren hasierako informazioa, eta enpresak aurkeztutako arazoaren identifikazioa eta zehaztasunak.
- b) *Konponbide teknologikoak*: aukeran dauden konponbideen deskribapena, eta teknologi eragileak aproposen irizten dion konponbide teknologikoaren egitasmo zehaztu bat.

Diru-laguntza jasoko duten txekoak eskabidea egin duen enpresan aplikatu eta ezartzeko modukoa izango da, enpresa bera izango da onuraduna eta bere jarduerarekiko koherentzia mantenduko da, eta soilik hartuko dira diruz laguntzeko modukotzat Bizkaiko Lurralde Historikoko ekoizpen zentroetan zuzenean aplikatzeko diren jardueren gastuak.

Edonola ere, txekoa egiten den bitartean egiten diren jarduerak ez dute sexuan oinarritutako bereizkeriarik egingo, eta sexuaren araberako rolak eta estereotipoak desagerrarazteko ahalegina egingo dute.

**5. artikulua. — Diru-laguntza jaso dezaketen gastuak**

Laguntza egitarauko aurkeztutako txekoen diruz laguntzeko moduko oinarria zenbatekotzeko, eskatzaileak aurkeztutako aurrekontua, gastu-kontzeptuka desglosaturik, hartuko da kontuan.

Diruz laguntzeko gastutzat joko dira diru-laguntzari loturiko txekeoarekin zerikusi zuzena duten kanpo-gastuak, baldin eta agente teknologikoa den entitate batek eginak badira, 4. artikuluan zehazten den eran.

Dekretu honen 7. artikuluan ezarritako burutzeko epearen barruan (2019ko urtarrilaren 1aren eta 2019ko abenduaren 31ren bitartean) sortutako eta fakturatutako gastuak lagundu ahalko dira diruz, beti ere dekretu honen 8. artikuluan ezarritako justifikatzeko azken eguna (2020ko urtarrilaren 31) baino lehen ordaintzen badira.

Ez dira diruz laguntzeko kontzeptutzat joko:

- a) Zergak eta tasak; ezta BEZa ez (BEZa berreskuratu ezin den kasuetan ere bai).
- b) Deskontuak.
- c) Enpresaren barneko pertsonal-gastuak.
- d) Ekipamendua eskuratzeko ibilgetu materialeko inbertsioak.
- e) Aktibo finkoak alokatzeko gastuak.
- f) Zeharkako gastuak.
- g) Gastu orokor osagarriak; adibidez, administrazio-gastuak, dietak, kontsumo orokorrak (energia, ura, mezulariak, posta, garbiketa, telefonia, segurtasuna, bulegoko materiala...).
- h) Bidaia-, janari- eta mantenu-gastuak
- i) Lizentzia informatikoak eskuratzeko gastuak.
- j) Edozein kudeaketa-sistema ezartzeko gastuak.
- k) Ekonomi eta Lurralde Garapena Sustatzeko Sailaren beste laguntza-programa batzuetan diruz lagun daitezkeen beste gastu guztiak.

Dena dela, dekretu honen 12. artikuluan ezarritakoa beteko da. Artikulu horretan diru-laguntza jaso dezaketen gastuetarako irizpide orokorrak adierazten dira.

Diruz lagun daitezkeen gastuaren balorazioa euroa ez den beste txanpon bat erabiliz eginez gero, fakturaren datan egingo da eurorako trukea.

6. artikulua. — Diru-laguntzen zenbatekoa

Kapitulu honetan ezarritako onurak ezarritako egitate eta diruz lagun daitezkeen gastuengatik itzuli behar ez diren diru-laguntzak dira, enpresa onuradunaren kontabilitatearen ondorioetarako.

Laguntza izango da, hain zuzen ere, txkeo teknologikoak dituen diruz laguntzeko gastuen %80, baina gehienez ere 10.000 euro emango zaizkio enpresa bakoitzari.

Ez da 1.000 eurotik beherako diru-laguntzarik emango.

7. artikulua. — Burutzeko epea

Dekretu honen babesean garatutako txkeoak 2019ko urtarrilaren 1etik 2019ko abenduaren 31ra bitarteko epearen barruan hasi eta amaitu behar dira.

Salbuespen gisa eta 32.4 artikuluan jasotako baldintzetan, enpresa onuradunak proiektua egiteko eta/edo justifikatzeko epea luzatzeko eskatu ahal izango du. Luzatzeko eskaera 2019ko abenduaren 15a baino lehen egin eta ebatzi beharko da.

Luzapena onesten bada, ebazpen espresu bat emango da, non proiektua egiteko eta/edo justifikatzeko epe berriak adieraziko diren. Epe horiek ez dira izango sei hila-betetik gorakoak, 7. eta 11. artikuluetan, hurrenez hurren, proiektua egiteko eta justifikatzeko ezarritako azken egunetatik zenbatuta. Ebazpen espresurik ematen ez bada, administrazio-isiltasunak ezespren-balioa izango du.

**8. artikulua. — Eskabideak aurkezteko epea**

Eskabideak aurkezteko epea 2019ko maiatzaren 20an hasiko da, eta 2019eko irailaren 30ko 13:30ean amaituko da.

9. artikulua. — Gehienez aurkez daitezkeen eskabideak

Erakunde bakoitzak eskaera bakar bat aurkeztu ahal izango du deialdi batera.

Enpresa batek eskaera bat baino gehiago aurkezten badu, organo instruktoreak jasotako lehenengo eskaera baino ez du ebaluatuko, eta besteak automatikoki ezetsiko ditu.

10. artikulua. — Aurkeztu beharreko agiriak

Dekretu honen onurei heldu nahi dieten erakundeek telematikoki aurkeztu beharko dute dokumentazio guztia, Bizkaiko Foru Aldundiaren Ekonomi eta Lurralde Garapena Sustatzeko Sailaren bulego birtualaren bitartez, ondoren datozen ataletan xedatzen denaren arabera:

1. Eskabidea egitean:
 - a) Eskabide telematikoa, 19. artikuluan zehaztutakoaren arabera.
 - b) Kontratuen, eskaintzen, proforma fakturen eta/edo behin betiko fakturen kopia, aurreikusitako gastuaren zenbatekoa egiaztatzeko modua izateko.
 - c) Jada fakturatuta eta ordainduta dauden gastuei dagokienez, fakturak eta horien bankuko ordainagiriak (ez da onartuko eskura ordaintzea).
 - d) Eskabidea baino lehen egin diren Txekoen kasuan «Emitzen Txostena», webean dagoen ereduaren arabera.
 - e) Hartzekodunaren fitxa, Bizkaiko Foru Aldundian banku-helbideratzeari buruzko datuak ez badaude edo dauden datuak aldatu nahi badira. Dokumentazio osoa dagoela jotzen den data zehazterakoan ez da kontuan hartuko hartzekodunaren fitxa, espedientearen ebazpena emateko ondorioetarako.
2. Txekoa amaitutakoan aurkeztu beharreko agiriak, eta diru-laguntza egiaztatzeko eta espedientea ixteko (justifikazioa aurkezteko azken eguna: 2020ko urtarrilaren 31a izango da, egun hori barne, luzapena ebazpen espresu baten bidez eman denean izan ezik).

Egiaztapen-kontua sistemaren bidez egin beharko da diru-laguntzaren justifikazioa eta horretarako honako agiri hauek aurkeztu beharko dira:

— Eskabidea egin zen unearen aurretik gauzaturiko txeko teknologikoen kasuan (hau da, eskabidearekin batera jada «Emitzen Txostena», fakturak eta ordainagiriak aurkeztu badira), ez da agiri gehiagorik aurkeztu behar.

— Bestela:

- a) Justifikazio-memoria eta «Emitzen Txostena», Ekonomi eta Lurralde Garapena Sustatzeko Sailaren web-orrian eskuratu daitezkeen ereduaren arabera.
- b) Legezko baldintzak betetzen dituzten gastuen fakturak.
- c) Fakturen ordainagiriak. Ez dira onartuko eskurako ordainketak.
- d) Dekretu honen 31. artikuluan eskatzen diren hiru eskaintzak edo ordezkoko agiriak.
- e) Diru-laguntza emateko ebazpenean beren-beregi aurkezteko eskatu dena.

Edonola ere, Ekonomi eta Lurralde Garapena Sustatzeko Sailak erakundeari beharrezkotzat jotzen dituen agiri guztiak edota informazio osagarria eskatu ahal izango dizkio, aurkeztutako eskaera behar bezala ulertu, ebaluatu eta aztertzeko.

11. artikulua. — Diru-laguntza ordaintzea

Ekonomi eta Lurralde Garapena Sustatzeko Sailak ordainduko dizkio diru-laguntzak, zuzenean, onuraduna den entitateari.

Emango den kopuruaren %100arte, laguntzaren emakida onetsitakoan ordainduko da.



Kasu guztietan diru-laguntza aldez aurretik ordainduko da, erakunde onuradunei bermerik eskatu gabe.

Erakunde onuradunei egiten zaizkien ordainketak diruz lagun daitezkeen gastutzat jotzen diren justifikatutako gastuen proportzionalak izango dira. Kopuru hori eman dena baino txikiagoa izan daiteke, eta, hala badagokio, egindako gastuaren proportzionala den diru-laguntzaren azken doikuntza egin behar da.

II. KAPITULUA

DIRU-LAGUNTZA GUZTIETARAKO XEDAPENAK

12. artikulua.— Diru-laguntza jaso dezaketen gastuetarako irizpide orokorrak

1. Honako hauek dira diru-laguntza jaso dezaketen gastuak: proiektu edo jardueraren izaerari eta garapen normalari erantzun dioten eta epearen barruan egindako beharrezko gastuak, betiere indarreko arautegiaren arabera behar bezala justifikatu badira.
2. Diru-laguntza jaso dezaketen gastuen kostuak ez dira onartuko baldin eta merkantuan duten balioa baino handiagoak badira.
3. Edonola ere, honako gastu hauek ez dute diru-laguntzarik jasoko:
 - a) Diru-laguntzaren xedearekin argi eta garbi identifikatu ezin diren gastuak edota deialdi bakoitzerako epearen barruan egiten ez direnak.
 - b) Eskatzailearen eta hornitzailearen artean lotura dagoela erakusten duten gastuak. Ondorio horietarako, joko da lotura dagoela Sozietateen Gaineko Zergari buruzko abenduaren 5eko 11/2013 Foru Arauaren 42.3 artikulua eta Merkataritzako Kodearen 42-49 artikuluek ezarritako kasuetan.

13. artikulua.— Gastuen egokitzapena

Ekonomi eta Lurralde Garapena Sustatzeko Sailak uste badu gastuen aurrekontua antzeko gastuen batez besteko kostuarekin alderatu eta gehiegizkoa dela, diru-laguntzaren oinarria murriztu ahal izango du, gastuentzako zenbateko egoki eta proportzionalera arte.

14. artikulua.— Diru-laguntzen metaketa

Foru dekretu honetan jasotako laguntzek edo diru-laguntzek Batzordearen 2013ko abenduaren 18ko 1407/2013 (EB) Erregelamenduan xedatutakoa bete beharko dute. Araudi hori 2013ko abenduaren 24ko Europako Erkidegoen Aldizkari Ofizialean argitaratu zen, 352. Zenbakikoan, eta EE Itunaren 107. eta 108. artikulua minimis laguntzei aplikatzeari buruzkoa da. Horren ondorioz, arautegi hori ez betetzeak, erantzukizun penala, zibila eta administratiboa ekar liezaioke enpresa arau-hausleari. Europar Batasunak ezarritakoaren arabera, edozein enpresari emandako minimis laguntza, guztira, ez da 200.000 euro baino handiagoa izango hiru zerga-ekitalditan.

15. artikulua.— Diru-laguntzen bateragarritasuna

1. Dekretu honen itzalpean ematen diren laguntzak bateragarriak izango dira beste erakunde publiko edo pribatu batzuek kontzeptu beragatik ematen dituztenekin. Halere, 5/2005 Foru Arauaren 18.3 artikuluan ezarritakoaren arabera, emandako diru-laguntzaren zenbatekoa inola ere ezin da izan, bera bakarrik edo beste batzuei batuta, diruz lagundutako jardueraren kostua baino handiagoa.
2. Bizkaiko Foru Aldundiko Ekonomi eta Lurralde Garapena Sustatzeko Sailaren beste plan, programa edo jarduera-arlo batek diruz lagundutako gastuek ezin izango dute diru-laguntza jaso.
3. Nolanahi ere, diru-laguntzak jasotzen dituzten erakundeek Ekonomi eta Lurralde Garapena Sustatzeko Sailari jakinarazi beharko diote beste diru-laguntzarik jaso duten, egun batean edo bestean eman. Horrek guztiak hala behar du, 5/2005 Foru Arauaren 18.3 eta 4. artikuluetan aurreikusitako ondorioetarako. Horrela, beraz, beste diru-laguntzen edo laguntza ekonomikoen zenbatekoak zenbatetsi eta, proiektua finantzatzeko ehunekoa mantentze aldera, diru-laguntza esleitzeko ebazpena aldatu ahal izango da.



Jakinazpen hau jakin eta berehala egin beharko da eta, edozein kasutan, jasotako funtsen erabilera justifikatu baino lehen.

4. Ekonomi eta Lurralde Garapena Sustatzeko Saila beste finantzatzaileekin harremanetan jarri ahalko da baterako finantzaketa adosteko.

16. artikulua.— Laguntzaren publizitatea

Dekretu honen itzalpean emandako laguntzen onura jasotzen duten eskabideek jasotako laguntzari publizitatea eman beharko diote, 5/2005 Foru Aginduaren 17.3 artikuluan xedatutakoaren arabera.

Proiektuaren finantzaketa publikoari buruzko publizitate egokia, euskarri informatikoetan zein beste edozeinetan, esaera honetara mugatuko da: «Bizkaiko Foru Aldundiak finantzaturiko proiektua, txeko teknologikoak programa 2019 barruan». Beren-beregi galarazita geratzen da beste edozein testu edo irudi erabiltzea Bizkaiko Foru Aldundiari erreferentzia egiteko.

17. artikulua.— Diru-laguntzen argitaratzea

Diru-laguntzak ematen diren urte naturala amaitu ondorengo lehen hiruhilekoa bukatu aurretik, ebazpenaren laburpen bat argitaratuko da Bizkaiko Aldizkari Ofizialean.

Feder Eskualde Garapenerako Europako Funtsaren arautegiari jarraituz, dekretu honetako laguntzak onartzeak berekin dakar datuak zerrenda publiko batean sartuko direla onartzea: alegia, Euskal Autonomia Erkidegoko Feder 2014-2020 programa eragilearen eragiketen zerrendan.

III. KAPITULUA

DIRU-LAGUNTZAK ESLEITZEKO PROZEDURA

18. artikulua.— Emateko prozedura

5/2005 Foru Arauaren 20. artikuluan xedatutako norgehiagokarik gabeko araubidean emango dira dekretu honetan araututako diru-laguntzak.

Eman nahi diren diru-laguntzen xedeak berak justifikatzen duen norgehiagokarik gabeko araubideaz baliatzea laguntzok emateko. Askotariko egoerak gerta daitezke eskatzaileen artean, eta horrek zaildu egiten du ebaluazio-irizpide objektibo eta homogeneoak finkatzea aurkezten diren eskabideen artean lehentasunak ezartzeko.

Dekretu honen ondorioetarako, hau jotzen da norgehiagokarik gabeko prozeduratzat: eskariak jaso ahala banatzea diru-funtsak. Hala, bada, eskabideek Bizkaiko Foru Aldundiko erregistroan duten sarrera-dataren arabera ezarriko da eskarien arteko lehentasuna, eta, deialdian ezarritako betekizunak betetzen badituzte, aurrekontuko hornidurek ahalbidetzen duten bitartean emango dira laguntzak.

19. artikulua.— Eskabideak nola aurkeztu

Hau izango erakundeak eskabideak aurkezteko jarraitu behar duen prozedura:

eskabidea eta erantsitako dokumentazioa, behar bezala eta oso-osorik beteta, Internet bidez aurkeztu behar da. Horretarako, Ekonomi eta Lurralde Garapena Sustatzeko Sailaren web orrian (<http://www.bizkaia.eus/sustapena-bulegobirtuala>), bere bulego birtualari dagokion atalean dagoen formularioa erabili behar da.

Horrela bada, eskabideak bide telematikoa aurkeztu behar direnez, enpresa interesdunek aldeztu aurretik sinadura elektronikoa izan beharko dute (Izenpe, NAN elektronikoa, FEA...), edo B@kQ ziurtagiri elektronikoa. Hauxe eskatu beharko dute Ekonomi eta Lurralde Garapena Sustatzeko Sailean (Orueta Apezpikua kalea, 6, Bilbo). Alta prozeduraren gaineko informazioa eskuragarri dago Ekonomi eta Lurralde Garapena Sustatzeko Sailaren web orrian.

Eskabidea aurkezteko ezinbestekoa izango da erakundea Ekonomi eta Lurralde Garapena Sustatzeko Sailaren erakundearen erregistroan alta emanda egotea (61/2010 Foru Dekretua, apirilaren 27koa. Bizkaiko Aldizkari Ofiziala 80 zenbakia, 2010.eko apirilaren



30ekoa). Egoera horretan ez badago, erakundeak inskribatzeko eskaera bete beharko du, diru-laguntza eskabidea izapidetu baino lehen.

Nolanahi ere, organo instrukzio-egileak elkarrekin zerikusia duten eskabideak taldekatu edo banakatu ahal ditu, eskabideok ondo aztertu eta ebaluatzeko eta diru-laguntzaren xedeko jarduerara ondoen egokitzen den egitate lagungarria zehazteko neurri egokia dela irizten badio.

Eskatzaileak, diru-laguntzarako eskabidea aurkeztean, baimena ematen dio organo instruktoreari, onuraduna izateko baldintzen inguruabarren egiaztapena zuzenean lor dezan; hori, Diru-laguntzen Erregelamenduaren 17.1. artikuluan eta Datu Pertsonalen Babesari eta Eskubide Digitalen Bermeari buruzko abenduaren 5eko 3/2018 Lege Organikoan (aurrerantzean 3/2018 Lege Organikoan) xedatutakoarekin bat etorritik, telematikako ziurtagiri egokien bidez egin daiteke.

Eskabideekin batera 10. artikuluan ezarritako agiriak aurkeztu beharko dira, arestian aipatu bulego birtualean agiriak eransteke dagoen sistema erabiliko da.

20. artikulua. — *Laguntzak emateko prozedura antolatu, aztertu eta ebartziko duten organo eskudunak*

Diru-laguntzetarako eskaerak Berrikuntza Zerbitzuak izapidetuko ditu, eta, eskaerok ebazteko, Ekonomi eta Lurralde Garapena Sustatzeko Saileko arduradunak esanbidezko ebazpena emango du, Enpresak Sustatzeko eta Ekonomia Garatzeko Zuzendaritza Nagusiak hala proposaturik.

Emakida prozedura antolatzeko, bideratzeko eta ebazteko organo eskudunak osatzerako orduan, kontuan hartu beharko da bi sexuen artean ordezkartza ordezkartuta dagoela; horrek esan nahi du bi sexuek ordezkartzen bat eduki beharko dutela, 4/2005 Legearen 20. artikuluan eta 4/2018 Foru Arauaren 44. artikuluan aurreikusitakoari jarraiki.

21. artikulua. — *Espedientearen instrukzioa*

Eskabideen espedienteen instrukzioa honela egingo da:

1. Organo instrukzio-egileak egiaztatu egingo du foru dekretu honetan onuradunaren izaera lortzeko ezarritako baldintzak betetzen direla.
2. Eskabideak behar bezala beterik ez badaude edo 10. artikuluan aipatutako dokumentazioa erantsita ez badituzte, eskabidea aurkeztu duen enpresari agindeia egingo zaio instrukzioaz arduratzen den organoak jakinarazpena egin eta biharramunetik zenbatzen hasiko den 10 asteguneko epean akatsa konpon dezan edo behar diren agiriak aurkez ditzan eta ohartaraziko zaio, hori egiten ez badu, eskaera bertan behera utzi duela uste izango dela berariaz emango den ebazpenaren bitartez, 39/2015 Legearen 68. artikuluan xedatutakoarekin bat etorritik.
3. Nolanahi ere, organo instrukzio-egileak eskabideak behar bezala ulertzeko eta ebaluatzeko behar duen dokumentazio eta/edo informazio osagarri guztia eska diezaieke erakunde eskatzailei.

22. artikulua. — *Eskabideen ebaluazioa*

Organon instrukzio-egileak ebaluatuko ditu eskabideak, eta behin betiko ebazpenari buruzko proposamena prestatuko du; hala ere, horrek ez die proposamen horretan onuradun legez agertzen diren erakundeei inolako eskubiderik emango.

23. artikulua. — *Ebazpen proposamena*

Ebaluazioa egin ondoren, organo instrukzio-egileak egiaztatuko du pertsona edo erakunde eskatzaileak Gizarte Segurantzarekiko betebeharrak egunean dituela. Horretarako, eskaria egingo dio Gizarte Segurantzaren Diruzaintza Orokorrari. Halaber, pertsona edo erakunde eskatzailearen zerga-egoerari buruzko ziurtagiria eskatuko dio Ogasun eta Finantza Sailari.

Behin egiaztatuta, instrukzioaz arduratzen den organoak Enpresak Sustatzeko eta Ekonomia Garatzeko Zuzendaritza Nagusiari ebazpen proposamena igorriko dio.

**24. artikulua.— Aurrekontuaren muga**

Diru-laguntza jasotzeko aurkeztu diren eskaeretatik, laguntzetarako ezarri den partidan izendatutako aurrekontuak uzten dituen beste eskaera baino ez dira hautatuko.

25. artikulua.— Ebazpena emateko epea

Foru dekretu honen itzalpean aurkeztu diren eskabideak ebazteko gehieneko epealdia 6 hilabetekoa izango da deialdi bakoitzeko eskaerak aurkezteko epea amaitzen denetik.

Organo eskudunak, nolana ere, aurkeztutako eskabide guztientzako ebazpena eman behar du nahitaez. Ebazpenerako eta jakinarazpenerako epea amaitu bada eta aipatutako organoak ebazpena eman ez badu, administrazio-isiltasunaren ondorioz eskabidea ezetsi egin dela ulertuko da, horrela xedatzen baita 39/2015 Legearen 25. artikuluan.

26. artikulua.— Ebazpena

Enpresak Sustatzeko eta Ekonomia Garatzeko Zuzendaritza Nagusiak Ekonomi eta Lurralde Garapena Sustatzeko foru diputatuari igorriko dio ebazpen proposamena, eta hark ebartziko du dagokion Foru Aginduaren bidez.

Diru-laguntza ematen duen ebazpenean baldintza bereziak ezarri ahalko dira, foru dekretu honetan edo dagokion deialdian onetsitako araudian xedatutakoa proiektuen izaera bereziari edo bestelako inguruabarrei egokitze aldera beharrezkoa irizten bazaio.

Ebazpena interesdunei jakinaraziko zaie, 39/2015 Legearen 40. eta hurrengo artikuluetan ezarritakoa betez.

Ebazpenaren jakinarazpena jaso ondoren, onuradun gertatu den pertsonak edo erakundeak hamar (10) laneguneko epea du —jakinarazpena jaso eta biharamunetik zenbatzen hasita— baiezkota emateko. Epe hori amaitu eta interesdunek ez badute berriaz ezer adierazi, ebazpena onartu dela ulertuko da.

27. artikulua.— Errekurtsoak

Ebazpenak administrazio bidea agortzen du. Beraren aurka berraztertze errekurtsoa jarri ahal izango da, Ekonomi eta Lurralde Garapena Sustatzeko Saileko titularrari ebazpena jakinarazi eta hurrengo egunetik hilabete pasatu baino lehen, 39/2015 Legean ezarritakoarekin bat etorritik.

Halaber, Administrazioarekiko auzi-errekurtsoa aurkeztu ahal izango da halako errekurtsoen bidezko jurisdikzioan jakinarazpena jaso eta hurrengo egunetik bi (2) hilabete pasatu baino lehen, Administrazioarekiko auzien jurisdikzioa araupetu duen uztailaren 13ko 29/1998 Legean xedatutakoarekin bat etorritik. Ezin dira bi errekurtso horiek aldi berean jarri.

28. artikulua.— Diru-laguntzari uko egitea

Onuradun gertatu diren pertsonetako edo erakundeetakoren batek diru-laguntzari uko egingo balio, diru-laguntza eskaintzen duen organoak zerrendan, puntu ordenari jarraiki hurrengo dauden pertsona edo erakunde eskatzaileei emango lieke, baldin eta eskabide horiei aurre egiteko kreditu nahikorik balego.

Diru-laguntza ematen duen organoak aukera horren berri emango die interesdunei, hamar eguneko epean diru-laguntza proposamena onetsi dezaten. Behin pertsona edo erakunde eskatzaileek proposamena onartu ondoren, administrazio-organok diru-laguntza emateko egintza emango du, eta haren jakinarazpena egingo du.

Uko egitea aurkezteko gehieneko epea 10 egunekoa izango da, erakunde interesdunari diru-laguntza proposamena jakinarazten zaionetik hasita. Epe hori igarotakoan, uko egite guztiak diru-laguntza emateko baldintzak ez betetzat joko dira.

**29. artikulua.— Jakinarazpen elektronikoa**

Ekonomi eta Lurralde Garapena Sustatzeko Sailak interesdunei jakinarazpenak egitean, bide elektronikoak erabili beharko ditu, 39/2015 Legearen 42. eta hurrengo artikuluen arabera.

Bitarteko elektronikoen bidez egiten diren jakinarazpenak Bizkaiko Foru Aldundiaren egoitza elektronikoan (<https://www.ebizkaia.eus>) bertaratuz egin beharko dira, Administrazio Elektronikoari buruzko Bizkaiko Foru Aldundiaren maiatzaren 5eko 62/2015 Foru Dekretuaren arabera, eta Herri Administrazioako eta Erakunde Harremanetarako foru diputatuaren ekainaren 6ko 4841/2016 Foru Aginduaren arabera (foru agindu hori jakinarazpenak eta komunikazioak Bizkaiko Foru Aldundiaren egoitza elektronikoan agertzeko sistemaren bidez egiteari buruzkoa da).

IV. KAPITULUA

DIRU-LAGUNTZEN KUDEAKETA ETA JUSTIFIKAZIOA**30. artikulua.— Azpikontratazioa**

Pertsona edo erakunde onuradun batek azpikontratazioa egin duela ulertuko da diru-laguntzaren xedea den jarduera zati batez edo osorik egitea beste norbaitekin kontratatzen duenean. Kontzeptu honetatik kanpo geratuko da pertsona edo erakunde onuradunak berak bakarrik diruz lagundutako jarduera egiteko dauzkan gastuak kontratatzea. Ondorioz, makinak, ekipamendua eta material suntsigarriak erostea, diruz lagundutako jardueraren barruan lan zehatzak egiteko kanpoko zerbitzuak kontratatzea, eta diruz laguntzen den jardueraren gastu osagarriak egitea ez da azpikontrataziotzat joko.

Diruz laguntzen diren zerbitzu edo proiektuetako jardueren %100eraino azpikontratu ahalko da, baldin eta 5/2005 Foru Arauaren 27. artikuluan ezarritako baldintzak eta debekuak errespetatzen badira.

4/2005 Legean eta 4/2018 Foru Arauan xedatutakoaren arabera, diru-laguntzaren xedea gauzatzeko agindua jasotzen duten erakundeek lege horretan ezarritako printzipio orokorrak errespetatu beharko dituzte, bere lanaren barruko estatistikak genero ikuspegiaren arabera egokitu beharko dituzte, ez dute hizkera sexistarik erabiliko eta emakumeen eta gizonen ordezkaritza orekatua bermatu beharko dute eratzen diren bazordeetan eta lan taldeetan.

Horrela, diru-laguntzaren erakunde onuradunak, diru-laguntzaren xedeko jardueraren zati baten burutzapena beste batekin hitzartzen duenean, eta jarduera horrek diru-laguntzaren zenbatekoaren %20 gainditzen duenean, eta, horiez gain, azpikontratazioa 60.000 eurotik gorakoa bada, erakunde onuradunak azpikontratazio hori egiteko baimena eskatu beharko dio Bizkaiko Foru Aldundiari. Horretarako, azpikontratazioaren baldintza nagusiak jakinarazi beharko dizkio, bai eta jardueraren burutzapena zein erakunderekin hitzartuko duen ere.

Enpresak Sustatzeko eta Ekonomia Garatzeko zuzendari nagusiak ebatziko du eskabide hori, hamabost (15) eguneko epean. Epe horretan berariazko ebazpenik eman ezean eskabideari ezetzi zaiola pentsatuko da.

31. artikulua.— Eskaintzak aukeratzea

Diru-laguntza jaso dezakeen gastuaren zenbatekoa azaroaren 8ko 9/2017 Sektore Publikoko Kontratuei buruzko Legean kontratuak txikitat hartzeko finkatzen diren zenbatekoa (40.000 eurotik beherakoa, obra-kontratuak badira eta 15.000 eurotik beherakoa, hornitze- edo zerbitzu-kontratuak badira) baino gehiagokoa bada, pertsona onuradunak hiru hornitzailearen eskaintzak eskatu beharko ditu gutxienez, zerbitzua egiteko edo ondasuna emateko konpromisoa hartu baino lehen. Hori ez da beharrezkoa izango baldin eta, diru-laguntza jaso dezaketean gastuen ezaugarri bereziengatik, merkatuan ondasun eta zerbitzuok hornitu edo egiten dituen hainbeste entitaterik ez badago, edo gastua diru-laguntza eskatu baino lehen egin bada.



Aurkeztutako eskaintzak justifikazioan agertu beharko dira edo, hala badagokio, diru-laguntza eskaeran, eta horien artean aukeratzeko, eraginkortasun eta ekonomia irizpideak hartuko dira kontuan, eta, proposamen ekonomiko onuragarriena aukeratzeko ez denean, aukeraketa memoria batean justifikatu beharko da espresuki.

32. artikulua.— *Jarraipena*

1. Foru dekretu honetan aurrez ikusitako laguntzen erakunde onuradunek agiri bidez justifikatu beharko dute gauzatu dituztela diruz lagundutako jarduerak eta betetzen dituztela laguntzak lortzeko foru dekretu honetan, dagokion deialdian eta emakida-ebazpenean ezartzen diren baldintzak. Horrez gainera, Bizkaiko Foru Aldundiaren Ekonomi eta Lurralde Garapena Sustatzeko Sailak, eta, hala dagokionean, erakunde laguntzailerak eskatuta, edozein momentutan justifikatu beharko dituzte alderdi horiek.

Hala, 4/2005 Legean eta 4/2018 Foru Arauan xedatutakoaren arabera, diru-laguntza jasoko duten pertsona edo erakundeek lege horretan ezarritako printzipio orokorrak errespetatu beharko dituzte, beren lanaren barruko estatistikak genero ikuspegiaren arabera egokitu beharko dituzte, ez dute hizkera sexistarik erabiliko eta emakumeen eta gizonen ordezkariak orekatua bermatu beharko dute eratzeko diren batzordeetan eta lan taldeetan.

Justifikazioa ez bada ezarritako epean aurkezten, diru-laguntza itzultzeko eskatuko da, eta 5/2005 Foru Arauan ezarritako gainerako erantzukizunak ere eskatuko dira. Izan ere, foru arau horretan arautzen da Foru Administrazioak emaniko diru-laguntzen araubide juridiko orokorra.

2. Diru-laguntza ematen duen organoak diru-laguntza emateari buruzko ebazpena alda dezake, bere kabuz, interesdunari entzun eta gero eta funtsak erabili aurretik, diru-laguntza emateko kontuan hartu diren baldintzak aldatzearen ondorioz lortu nahi zen interes publikoa lortzea oztopatu edo eragozten denean eta pertsona edo erakunde onuradunari kalte ekonomikorik ekartzen ez dionean.

3. Organo instrukzio-egileak entzunaldien egutegia ezar dezake egitaraura aurkeztu diren proiektuen organo instrukzio-egilearen aurrean nahi izanez gero azalpenak aurkezteko.

Halaber, Ekonomi eta Lurralde Garapena Sustatzeko Sailak aurkeztutako eskabiak ondo ulertu eta ebaluatzeko eta proiektuen garapenari buruzko ondorengo justifikazioetarako beharrezkotzat jotzen dituen agiri edo/eta informazio osagarri guztiak eskatu ahal izango dizkio eskatzaileari.

4. Onuradun gertatu diren pertsonak edo erakundeak, halaber, laguntza ematen duen erakundeari diru-laguntzak emateko ebazpena aldatzeko eska diezaiokete diruz lagundutako jarduera gauzatzeko epea amaitu aurretik, betiere aipatu berri dugun aldatzeko bidez alde aurretik ezarritako epeak luzatu nahi badira, emandako diru-laguntzaren zenbatekoa murriztu nahi bada edo jardueraren barne dauden egintzak aldatu nahi badira. Eskaera horiek baimena jasoko dute aurretik ikusi ez diren baldintzak gertatzen badira, betiere diru-laguntzaren xedea aldatzen ez bada eta hirugarren pertsonen eskubideak urratzen ez badira.

Kasu horietan, onuradun gertatu den pertsonak edo erakundeak jaso duen eta frogatu ez duen diru-kopurua bueltatu beharko du, baita dagokion berandutze-interesa ere.

5. Halaber, Ekonomi eta Lurralde Garapena Sustatzeko Sailak eskatu ahal izango dizkio Planaren emaitzak egoki ebaluatzeko beharrezkotzat jotzen dituen agiri edota informazio osagarriak entitate onuradunari lagundutako proiektuaren amaieratik eta hurrengo hiru urteetan.

33. artikulua.— *Diru-laguntzaren xedea justifikatzeko era*

Diru-laguntza edo laguntza bakoitza agirien bidez frogatzeko modua 10. artikuluan datatzen da.

Justifikazioa Internet bidez aurkeztu behar da, atal guztiak behar bezala beteta. Horretarako, galdetegi bat bate behar da, Ekonomi eta Lurralde Garapena Sustatzeko Sai-



laren web orrian dagoena, bulego birtualean (<http://www.bizkaia.eus/sustapena-bulego-birtuala>).

Justifikazioa egiteko epea igarota, ez bada justifikaziorik aurkeztu organo instrukzio-egilearen aurrean, organoak erakunde onuradunari eskatuko dio hamabost (15) eguneko epean aurkez dezala. Epe hori ezingo da luzatu. Justifikazioa ez bada ezarritako epean aurkezten, diru-laguntza itzultzeko eskatuko da, eta 5/2005 Foru Arauaren 37. artikuluan eta hurrengoetan ezarritako gainerako erantzukizunak ere eskatuko dira.

34. artikulua.— Baldintzak aldatzea

Pertsona edo erakunde onuradunak jakinarazi beharko du diru laguntza ematean aintzat hartu ziren edozein inguruabar objektibo zein subjektiboren gaineko gertatu diren aldaketa guztiak.

Erakunde onuradunak diru-laguntza emateko kontuan hartu diren baldintzak aldatu direla adierazten badu justifikatzeko orduan eta aldaketa horien ondorioz, oinarri haue-tako 32.4 artikuluan araututakoarekin bat, ebazpena aldatzeko arrazoiren bat balego eta aldaketa onartzeko aurretiazko baimen administratiboa lortzeko izapidea egin ez balitz, diru-laguntza eman duen organoak onuradunak aurkeztutako justifikazioa onartuko du. Kasu horretan, onuradun den pertsonak edo erakundeak 5/2005 Foru Arauan ezarritakoaren arabera, dagokion zigorra jaso ahalko du.

V. KAPITULUA

DIRU-LAGUNTZAK ITZULTZEA ETA ARAU-HAUSTE ADMINISTRATIBOAK

I. ATALA

DIRU-LAGUNTZAK ITZULTZEA

35. artikulua.— Diru-laguntza erakunde onuradunak berak itzultzea

Borondatezko itzulketa da onuradunak berak Administrazioaren inolako errekerimendurik gabe egiten duena.

Borondatezko itzulketa egiten denean, Administrazioak dagozkion berandutze-interesak kalkulatuko ditu, 5/2005 Foru Arauaren 34. artikuluan ezarritakoaren arabera eta onuradunak itzulketa benetan egin duen unera arte.

Diru-laguntza onuradunak berak eskatuta itzultzeko, Bizkaiko Foru Aldundiaren eredu ofizialaren arabera ordainketa-gutuna erabili behar da; gutun hori Ekonomi eta Lurralde Garapena Sustatzeko Sailaren bulegoetan (Orueta apezpikuaren kalea, 6, Bilbo) egingo da.

36. artikulua.— Ez betetzeak

Foru dekretu honetan nahiz aplikatu daitezkeen bestelako arauetan ezarri diren baldintzak zein, hala denean, ebazpenean ezartzen direnak betetzen ez badira, jasotako zenbatekoak itzuli egin beharko dira; baita kopuru horien interesak ere, halakorik sortu bada. Halaxe adierazten baita 5/2005 Foru Arauaren II. eta IV. Tituluetan, dagozkion legezko ekintzen eta zehapenen kalterik gabe. Aipatutako zenbatekoak, diru-sarrera publikotzat hartuko dira ondorio guztietarako.

37. artikulua.— Ez betetzeak mailakatzeko irizpideak

Behar baino gehiagoko finantzazioa denean beste laguntza batzuk ere ematen direla-eta (5/2005 Foru Arauaren 18.3. artikuluan ezarrita), bidezkoa izango da behar baino gehiago ordaindutakoa itzultzea, eta berandutze-interesa aplikatuko da.

Emandako diru-laguntzaren zenbatekoa eskatzaileak aurkeztutako aurrekontu baten gaineko ehuneko bat aplikatuta lortzen denez, behin betiko kostu osoa hasierako aurrekontua baino txikiagoa bada, honako hau itzuli behar da: hasierako aurrekontuaren gaineko ehuneko hori aplikatuta lortutako kopuruari behin betiko kostua kentzearen ondorioz finantziazio publikoan sortutako soberakina.



Baldintzetako bat edo batzuk ez betetzeak edo epearen barruan jardueraren zati bat bakarrik egiteak (betiere, zalantza barik egiaztatzen bada onuradunak konpromisoak betetzeko asmoa duela) diru-laguntzaren zati bat bakarrik ordaintzea ekarriko du edo, hala badagokio, diru-laguntzaren zati bat itzuli behar izatea. Itzulketa hori kalkulatzeko, jarduera osotik hartutako zatiaren proportzio bera erabiliko da.

Foru dekretu honen 36. artikuluko kasuetan, pertsona edo erakunde onuradunak, hala badagokio, jaso dituen baina justifikatu ez dituen kopuruak itzuli beharko ditu, bai eta dagokion berandutze-interesa ere.

Administrazioak eginiko egiaztapen edo finantza-kontrol baten ondorioz ikusten bada eginiko gastuetako batzuk edo guztiak ordaindu gabe daudela eta hartzekodunek eskatzeko eskubidea dutela, itzulketa eskatuko da, proportzionaltasun-printzipioa aplikatuta. Kasu horretan, diru-laguntza jaso dezaketen egotzitako gastu guztietatik ordaindu gabeko gastuek osatzen duten proportzioaren arabera izango da diru-laguntzaren itzulketa.

II. ATALA

DIRU-LAGUNTZEI DAGOKIEN ARAU-HAUSTE ADMINISTRATIBOAK

38. artikulua.— Zehapen-prozedura

5/2005 Foru Arauaren IV. Tituluan ezarritakoa bete beharko da.

39/2015 Legean ezarritakoari jarraituko zaio, bai eta Euskal Autonomia Erkidegoko Herri Administrazioen zigortzeko ahalmenari buruzko otsailaren 20ko 2/1998 Legean xedatutakoari ere, aurrekoari aurka egiten ez dionean.

39. artikulua.— Deslokalizazioa

Enpresa eta erakunde onuradunek enpresako deslokalizaziorik ez egiteko konpromisoa hartzen dute; Enpresak deslokalizatzen direnean Foru Sektore Publikoak laguntzak berreskuratzeari buruzko martxoaren 27ko 7/2007 Foru Arauan xedatutakoa joko da deslokalizaziotzat; foru dekretu honek arautzen dituen diru-laguntzei bete-betean aplikatuko zaie foru arau hori.

Bizkaiko Foru Aldundiaren erabaki baten bidez adieraziko da konpromiso hori noiz ez den bete, eta, horren ondorioz, itzuli egin beharko da diru-laguntza, goraxeago aipatu den foru arauan ezarritako prozedura ezarriko baita.

XEDAPEN IRAGANKORRA

Xedapen Iragankorra Bakarra.— Jakinarazpen elektronikoa

29. artikuluan ezarritako jakinarazpen elektronikoari buruzko betebeharrari dagokionez, jakinarazpena egiten denean bitarteko elektronikoen bitartez egiteko prozedura ez badago teknikoki amaituta, jakinarazpena paperean egingo da, posta ziurtatuaren bidez.

AZKEN XEDAPENAK

Lehenengo Azken Xedapena.— Ezarri beharreko arautegi orokorra

Dekretu honetan aipatutako diru-laguntzei dagokienez, honako hauek aginduko dute: foru dekretu honetan bertan xedaturikoak, laguntzak emateko foru aginduetan ezartzen diren gainerako baldintzak, 5/2005 Foru Arauaren xedapenak, Diru-laguntzen Erregulamendua eta Estatuko edo Europako Erkidegoko gainerako arau aplikagarriak.

Era berean, 39/2015 Legea erabiliko da.

Bizkaiko Gardentasunari buruzko otsailaren 17ko 1/2016 Foru Arauaren 2. artikulua-
ren arabera, arau horren 8, 9 eta 10 artikuluetan jasotako gardentasun eta publikitate-
aren inguruko betebeharrak erakunde pribatu hauei aplikatuko zaizkie: aurrekontu-ekitaldi
baten zehar Bizkaiko Foru Aldundiaren 100.000 euro edo gehiagoko laguntzak edo di-
ru-laguntzak jasotzen dituztenei edo urteko diru-sarreraren %40 Aldundiaren laguntzetatik
edo diru-laguntzetatik jasotzen dutenei, betiere gutxienez 5.000 euro badira.



Interesdunak ematen dituen datuak foru-dekretu honetatik eratorritzen diren prozedurak kudeatzeko erabiliko dira, kontuan harturik zer ezartzen den honako araudi honetan: 2016/679 Erregelamendua (EB), 2016ko apirilaren 27koa, Europako Parlamentuarena eta Kontseiluarena, datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzkoa, eta 95/46/CE Zuzentaraua indargabetzen duena (Datuak babesteko erregelamendu orokorra) eta 3/2018 Lege Organikoan.

Datu horiek inola ere ez dira erabiliko, eta ez zaizkie hirugarren batzuei lagako, interesdunak argi eta garbi ados dagoela adierazi ezean edo goian aipaturiko araudian ezartzen diren kasuetan izan ezik.

Araudi horretan xedatzen dena betetzeko, interesdunak honako eskubide hauek baliatu ahal izango ditu datuen tratamenduaren arduradunaren aurrean: datuak eskuratzeko, zuzentzeko, ezerezteko («ahaztua izateko eskubidea»), haien tratamendua mugatzeko eta datuok eramangarri izateko eskubideak, bai eta tratamendu automatizatuan soilik oinarrituriko erabakirik ez jasatekoa (barne harturik profilen sorrera), baldin eta erabakiak eragin juridikoak badakarzkio edo, modu bertsuan, beragan eragin nabarmenik badu. Era berean, edozein momentutan erreboka dezake lehen adierazitako onarpena.

Halaber izango du eskubidea erreklamazioa aurkezteko Datuen Babesaren Kontrol Agintaritzaren aurrean.

Bigarren Azken Xedapena. — Arauen garapena

Ahalmena ematen zaio Ekonomi eta Lurralde Garapena Sustatzeko Saileko diputuari honako dekretu hau garatzeko beharrezkotzat jotzen dituen xedapen guztiak emateko, bai eta, aurrekontuko diru-hornidura amaitu ezean, beste deialdi batzuk egiteko ere.

Hirugarren Azken Xedapena. — Aurrekontuko zuzkidura

Deialdi honetan eman daitezkeen laguntzak eta onurak —guztira 450.000,00 euro— jarraian zerrendatuko diren aurrekontu partidetan, aurrekontu proiektu eta urtekoetatik ordainduko dira; gutxi gorabeherako kopuruetan banakatuta agertuko dira, eta muga partida bakoitzean ezarritako guztizko kopurua izango da:

Proiektuaren zk.: 2016/0055	
08.02/44300/426.107	
Ekitaldia	Zenbatekoa (€)
2019	450.000,00
GUZTIRA	450.000,00

Diru-laguntzen Erregelamenduaren 43. artikulua babesean, aurrekontuko zuzkiduren guztizko zenbatekoa areagotu ahal izango da, gehienez ere 200.000,00 euro gehituz, baldin eta eskuragarri dauden kredituak areagotu badira kreditua handitzea onartu delako edo kreditua sortu edo gehitu delako edo baldin eta kopuru osagarri bat badago aurreko deialdietan aurkeztutako eskaeren zenbatekoa aurrez ikusitakoa baino txikiagoa izan delako; kasu horietan, kreditu osagarri hori soilik izango da eraginkorra baldin eta kreditu horren erabilgarritasuna adierazita badago. Adierazpen hori diru-laguntza emateko ebazpena eman aurretik egin beharko da. Organo eskudunak baimenduko du kopuru handitze hori.

Laugarren Azken Xedapena. — Indarrean jartzea

Foru dekretu hau Bizkaiko Aldizkari Ofizialean argitaratu eta biharamunean jarriko da indarrean.

Bilbon, 2019ko maiatzaren 14an.

Ekonomi eta Lurralde Garapena
Sustatzeko foru diputatua,
IMANOL PRADALES GIL

Ahaldun Nagusia,
UNAI REMENTERIA MAIZ

**I. ERANSKINA**

Dekretu honen 3. artikuluan adierazitakoaren arabera, onuradun izateko, beste baldintza batzuen artean, enpresek EJSN-2009ko (apirilaren 13ko 475/2007 Errege Dekretua, apirilaren 28ko 102. zenbakiko EAOn argitaratua) epigrafe hauetakoren batean inskribatuta eduki behar dute euren jarduera ekonomiko nagusia:

- B atala. Erauzketako industriak.
- C atala. Manufaktura-industria.
- D atala. Indar elektriko, gas, lurrun eta aire girotuko hornidura.
- E atala. Ur hornidura, saneamendu jarduerak, hondakinen kudeaketa eta deskontaminazioa.
- F atala. Eraikuntza (talde hau izan ezik):
 - 41.1. taldea. Higiezinaren sustapena.
- G atala. Handizkako eta txikizkako merkataritza; ibilgailu motordunen eta motozikleten konponketa (multzo hau izan ezik):
 - 47. multzoa. Txikizkako merkataritza, motordun ibilgailuak eta motozikletak izan ezik.
- H atala. Garraioa eta biltegiatzea.
- I atala. Ostalaritza (talde hau izan ezik):
 - 56.3. taldea. Edaritegiak.
- J atala. Informazioa eta komunikazioak.
- M atala. Jarduera profesional, zientifiko eta teknikoak.
- N atala. Administrazio jarduerak eta zerbitzu lagungarriak (multzo hau izan ezik):
 - 80. multzoa. Segurtasun eta ikerketa jarduerak.
- P atala. Hezkuntza (multzo hau baino ez):
 - 85.6. multzoa. Hezkuntzako jarduera lagungarriak.
- Q atala. Osasun jarduerak eta gizarte zerbitzuak (multzo hauek baino ez):
 - 87. multzoa. Egoitzetako laguntza.
 - 88. multzoa. Ostaturik gabeko gizarte zerbitzuetako jarduerak.
- R atala. Arte, aisialdi eta denbora-pasako jarduerak (multzo eta talde hauek baino ez):
 - 90. multzoa. Sormen, arte eta ikuskizunen jarduerak.
 - 91. multzoa. Liburutegi, artxibategi eta museoetako jarduerak eta beste kultura jarduera batzuk.
 - 93.2 taldea. Aisialdi eta entretenimendu jarduerak.
- S atala. Bestelako jarduerak (multzo hau baino ez):
 - 95. multzoa. Ordenagailuen, norberaren gauzen eta etxeko gauzen konponketa.

Salbuespenez, interes nabarmena duten proiektuak direnean, aurreko epigrafeetan agertzen direnez bestelako jarduera nagusia duten enpresak ere onuradun izan ahaliko dira, Ekonomi eta Lurralde Garapena Sustatzeko Saileko foru diputatuaren ebazpen arrazoituaren bitartez.